



**СЕРПІН 2050**

**МӘҢГІЛІК ЕЛ ЖАСТАРЫ -  
ИНДУСТРИЯҒА**



## «Серпін-2050» бағдарламасы Арқалықта қалай жүзеге асуда?

«Серпін-2050» бағдарламасының басты міндеті – ең алдымен бәсекеге қабілетті мықты мамандар даярлау, ауылдағы жастарға қолжетімді сапалы білім беру» деген болатын «Серпін-2050» қозғалысының басшысы Мұрат Әбенов мырза. Жастарды бір қозғалтып, серпілтікенінен бөлме, бұл бағдарлама «қозғалыс» атын алып та үлгерді. Қазіргі кезде мемлекет тарапынан жүзеге асырылып жатқан бағдарламалар саны көп. Әрқайсысының арқалыған міндеті әр бөлек. Сол бағдарламалардан «Серпін-2050» қозғалысының неінен ерекшелігі бар? Болашағы қандай? «Серпін-2050» бағдарламасы өз көздеген мақсатына жете алды ма? Қазіргі кезде осы бағдарлама бойынша білім алып жатқан жастардың жай-күйі қалай? - деген сұрақ көзі ашық көз-көзден жаның ойыңда жүрген болуы керек.

Жалпы, бұл бағдарламаның тиімді тұстары көп. Атап айтар болсақ, қазіргі таңда Алматы, Жамбыл, Қызылорда, Маңғыстау, Оңтүстік Қазақстан облыстарында бала туу деңгейі жоғары сырттан көшіп келушілер көп. Мұның барлығы жұмыссыздық мәселесін тудырады. Әлеуметтік нысандар, үй, мектеп, балабақша, жетпейді. Жоғары оқу орнын бітірген мамандардың дені жұмыссыз жүр. Жұмыспен қамтылмаған азаматтардың саны көп болғаны себепті грант та аз бөлінеді.

Керісінше, еліміздің кейбір өңірлерінде кадр тапшылығы өзекті. Бүгінде еліміздің 7-8 облысында кадр жетіспеушілігі мәселесі бар. Оған басты себеп бала туу деңгейінің төмендігі және сыртқа көшіп кету миграциясы. Сол өңірлердегі өндіріс орындары еңбек күші жетіспеушілігінен өз әлеуетін толық іске асыра алмай отыр. Сол себепті «Мәңгілік ел жастары – индустрияға» атты мемлекеттік бағдарлама қажетті мамандарға

жағдай жасап, оларды тегін оқытуға гранттар бөлінген.

Бағдарламаны жүзеге асыру мақсатында педагогикалық мамандықтар бойынша 7 жоғары оқу орнына (ЖОО) арнайы 1050 грант, 23 колледжеге 35 мамандық бойынша арнайы 1000 грант бөлінді. Бұл, қазақилықтың қаймағы бұзылмаған, өнер мен білімнің қайнар көзі-ауыл жастары үшін үлкен мүмкіндік емес пе? Бойларында тулаған жалын бар небір білімді жастар, әлеуметтік жағдайы көтерімегендіктен, жете де себептермен ауыл тасасында қалып қойып, ЖОО тұрмақ арнайы колледжерде де білім ала алмай жатқаны жаңға бәтәр шындық. Сондай жастардың пайдасын көздеген бұл жобаға мен дан ризамын. Бұлай деуімнің де өзіндік себебі бар. Мен білім алып жатқан қасиетті қара шаңырақ Ы.Алтынсарин атындағы Арқалық мемлекеттік педагогикалық институтына да осы жоба бойынша биыл 175 талапкер қабылданды. Барлығы да жатақ орындармен, арнайы мөлшердегі шәкіртақымен қамтамасыз етілген. Оқу жылының басталғанына көп уақыт өте қоймаса да, серпіндік жастар институт қабырғасында біршама серпіндіктер жасап үлгерді. Қазан айының басынан бастап серпіндік жастардан құралған «Жас еріктілер» ұйымы құрылып, өзінің жұмысын бастап үлгерді. Біршама жаңалықтарын есітіп, әрі өзінің қызығушылығым бар серпіндіктер сардары, Педагогика және психология мамандығының бірінші курс студенті Жансерік Байденов ішкібен және серпіндік жастармен сұхбаттасқан болатыным. Сұхбат барысында байқағаным – серпіндік жастар өте талапшыл, жігерлі, болашаққа деген жоспарлары анық, тау қопарарлық күштері мен ауыл-бірішіліктері жарасқан керемет жастар екен.

«Бұл ұйымның мақсаты», - дей-

ді Жансерік – «жастардың құқығын қорғау, бос уақыттарын тиімді өткізуді ұйымдастыру, көптеген іс-шараларға белсенді қатыстыру. Және ең бастысы біз – болашақ педагог екенімізді естен шығармай, ұстаз атымызды мақтан тұтып, болашаққа сапалы білім дәнін себелеу үшін әркез ізденіп жүру керектігін ұмытпай, білімді һәм белсенді болуымыз керек!» - деді. Одан әрі қазбалағыш әдетімен – «Барша серпіндіктер осы ұстанымды ұстана ма? Осында қалып еңбек етуге дайын ба?»- деген сұрағымға «Барша серпіндіктер қайда болсақ та, тек ел үшін қызмет етеміз!» - деп сенімді үзімен жауап берді.

Иә, ұмытылмас жамағат емес. Елден жырақ жүріп, ата-ана, бауырдан алыс кетсе де бойларыңдағы сенім отын Арқаның суығына өшіріп алмай, қызғыншай қорғап жүргендеріне сүйсінім. Дегенмен, жалындалған жастарға ық боларлық қорған да керек-ақ. Жол сілтеп, биле жармай бойларыңдағы жалт еткен үміт отын ары қарай маадатуга мұрындық болу артықтық етпес.

«Бұлақ көрсең көзің аш» демеуші ме еді аталарымыз. Демек, қанатың енді ғана қағып, жарқын болашаққа жаңа серпінмен ұмытылған жастарға дұрыс жол нұсқап, болашаққа жол сілтеу – өз тарапымыздан елімізге тиер аз да болса үлес деп білемін. Істің қалай басталғанына емес, нәтижесіне қарап баға берген дұрыс болар. «Серпін-2050» бағдарламасының өз миссиясын қалай орындарын уақыт көрсете жатар. Біз тек жақсыдан үміт етіп, тілекші болып отырмыз. Сол күбінде қалмай, іс жүзінде жүзеге асуын тілейміз!

Елім дейтін, жерім дейтін жігерлі жастар дегі көбейе берсін деп түйіндегім келеді.

**Ботағал БЕКҚАРАЕВА,**  
АрқМПИ 3-курс студенті.